



Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiæ & Iuris Canonici Doctoris |||
celeberrimi, ac Ecclesiæ Ham-||burgensis quondam
Decani**

Krantz, Albert

Coloniae, 1574

Capvt XVIII.

urn:nbn:de:hbz:466:1-11453

tur; stomachum fœmina infigūt hastæ, pro signo circumferentes victoriae: Alij hoc genus interpretatur diuinādi.

C A P V T X V I I I .

Vilhelmus iam dux Brunswicensis, princeps magnanimus & victoriosus, cuius plures numerantur victoriae, quam aliorum arces: cùm in Austria visiter decreuisset Fridericum ducem affinem suū, cumq; illo de rebus magnis agere: Hērico fratri mansueto principi, ducatum & omnem familiam, charam coniugem, & liberos, in fidem commendabat: abiensq; omnia beatitudinat constituta: Peruenit ad affinem, à quo perbenigne excipitur. Per ea tempora Philippus dux Burgundie, Karolū regem Frācia bello perurgebat, patrē suum Iohannē vindicans. Rex cùm suppetias Fridericum Austriae ducē postulasset, isq; mittere decreuisset, iam præsentē, & eam rem sua sponte ambientem & wilhelmu suis copijs præfecit, misitq; trans Rhenum in Franciam. Ibi & wilhelmus Philippo se regis nomine obijciens, fortiter paliatur: & multis prælijs viator, cùm iam tempus eum renocaret, ad affinem suū rediit Fridericū. Interē audit quid in suo gestū sit, Henricū germanum suū, cui omnia permisisset, cui charissimos demandauerit affectus, in uasa arce & wulffenbuttel, quæ sedes est ducalis, & wilhelmi coniugem cum liberis exegisse. Misserum spectaculum. Vedit domina venientem Henricū mariti germanum, modestum semper principem, cui ipsa in fidē cum liberis sit permissa, postulauit admitti in arcē: Promptè iusit aperiri: iubet abcedere dominā cū filijs. Triste negotiū, & quod barbaros cōmoueret: Non sic, inquit mulier, mandauit & wilhelmus germanus tuus. Sed ille in seno mansit imperio. Quid faceret? Sumptis per manus liberis abcessit. Huius rei magistri ferūtur Brunswiccen-

Eee 4 ses



ses oppidani: qui sub viuaci principe vitam agere sacerdem non poterant: Effecere, ut monacho quam duci similior princeps illus imperaret. Quem non superat ambitus dominadi? A tergo fides, longè omnes sunt affectus, vbi imperium est in promisso: Possum, inquit alius, implere fidem: sed non in regno. Reuersus & wilhelmus, videt quid sit actum: Nihil modesta consilia, nihil pacu tractatus potuere. Queritur ergo amicis persfidiam in se fratris. In primis Magnus Hildesemensis episcopus, compassus querenti ex animo, promittit armorum auxilia: causam esse communem sibi, & quæ se dolere cum eo qui sit passus: Parantur arma: exitur ad incendia, pradam, captiuitates. Huius rei autores Brunswicenses cives adsciscunt in armorum societatem Magdeburgenses: militiam conducunt stipendio: graui mole concurrunt ubique: omnia vasta ac deformata igne ac gladio horrent. Iam omnibus euastatis, cum neutra pars magno de lucro gloriaretur, interuenere principes Ludouicus Landgravius Hassiae, Iohannes marchio Brandenburgensis, Otto dux Luneburgensis, qui controuersiam in hunc modum diremerunt: Daret Henricus & wilhelmo XIII. millia sexagenarum in grossis: & wilhelmus dominatum de Homborg, cum Honouer, & subiecta ditione teneret, donec aliter rebus consuleretur. Nam & duca-tus Gottingensis in expectatione fuit ab Ottone monculo, qui prolem virilem iam senex non haberet. Henricus quoquæ & wilhelmi frater, nullis heredibus, ut putabatur, donandus, vacuam facile domum relinquere & wilhelmo. In eam formam rebus transactis, & wilhelmus tempore seruiuit, breui assequutus Gottingensem principatum.

CAPVT

